

“ՄԵՀՐԱԲՅԱՆԻ ԱՆՎԱՆ ԲԺՇԿԱԿԱՆ ՔՈԼԵՁ” ՄՊԸ ԲԺՇԿԱԿԱՆ ՔՈԼԵՁԻ ՈՒՍԱՆՈՂԱԿԱՆ ԽՈՐՀՐԴԻ

ԿԱՆՈՆԱԴՐՈՒԹՅՈՒՆ

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. “Մեհրաբյանի անվան բժշկական քոլեջ” ՄՊԸ բժշկական քոլեջի՝ այսուհետ /ՄՈՒՀ/ ուսանողական խորհուրդն ուսանողության ներկայացուցչական, ինքնակառավարման և նրա շահերը ներկայացնող մարմին է:
- 1.2. ՄՈՒՀ-ի ուսանողական խորհուրդն /այսուհետ Խորհուրդ/ արտահայտում և պաշտպանում է ուսանողության շահերը, նպաստում ուսանողների կրթական, գիտական, ստեղծագործական, ֆիզիկական, բարոյական և հոգևոր զարգացմանը:
- 1.3. Խորհրդի լիազորությունները և գործունեության կարգը, ՀՀ օրենսդրությանը համապատասխան, սահմանվում է սույն կանոնադրությամբ:
- 1.4. Խորհրդի որոշումները ներկայացվում են ՄՈՒՀ-ի տնօրենին հաստատման համար:

2. ԽՈՐՀՐԴԻ ԽՆԴԻՐՆԵՐԸ ԵՎ ՆՊԱՏԱԿՆԵՐԸ

- 2.1. Պաշտպանել ուսանողության շահերն ու իրավունքները:
- 2.2. Ապահովել ՄՈՒՀ-ում ինքնակառավարման և ուսանողական ինքնավարության գործընթացների ծավալումն ու զարգացումը:
- 2.3. Աջակցել ՄՈՒՀ-ում սովորողների և ՄՈՒՀ-ն ավարտած շրջանավարտների իրավունքների ու շահերի պաշտպանությանը:
- 2.4. Ապահովել ուսանողների մասնակցությունը ՄՈՒՀ-ի կառավարմանը:
- 2.5. Ուսանողությանն առնչվող հարցերը՝ խնդիրները, բողոքներն ու առաջարկները ներկայացնել ՄՈՒՀ-ի ղեկավար մարմիններին:
- 2.6. Մասնակցել ուսանողների կրթական ու դաստիարակչական աշխատանքներին, ինչպես նաև օժանդակել նրանց հոգևոր, մշակութային ու ստեղծագործական գործունեության կազմակերպմանը:
- 2.7. Հետևել ՄՈՒՀ-ի ներքին կարգապահության պահպանմանը:
- 2.8. Քննարկվում է ընթացիկ և հեռանկարային հարցեր:
- 2.9. Լսվում է նախագահության հաշվետվությունը ընդհանուր ժողովների միջև ընկած ժամանակահատվածում ՈւԽ-ի կատարած աշխատանքների մասին:

3. ՈՒՍԱՆՈՂԱԿԱՆ ԽՈՐՀՐԴԻ ԿԱՌՈՒՑՎԱԾՔԸ ԵՎ ԱՇԽԱՏԱՆՔԸ

- 3.1. Խորհուրդն աշխատանքները կազմակերպում է՝ ելնելով իր առջև դրված խնդիրներից ու նպատակներից և մասնակցում է ՄՈՒՀ-ի կառավարմանը:

- 3.2. Խորհրդի պարտադիր անդամներն են բոլոր մասնագիտությունների բոլոր կուրսերի ավագները, որոնց համապատասխան մասը պարտադիր պետք է մասնակցի ՄՈՒՀ-ի մանկավարժական խորհրդի նիստերին:
- 3.3. Խորհրդի անդամ կարող է լինել ՄՈՒՀ-ի յուրաքանչյուր ուսանող, ինչպես նաև շրջանավարտ:
- 3.4. Ուսանողական խորհուրդը գումարում է տարեկան առնվազն երկու նիստ, իսկ անհրաժեշտության դեպքում՝ նաև արտահերթ:
- 3.5. Խորհրդի նիստերը բաց են ՄՈՒՀ-ի բոլոր մանկավարժների և ուսանողների համար, որոնք կարող են մասնակցել խորհրդակցության ձայնի իրավունքով:
- 3.6. Խորհրդի մասնակիցների կազմից երկու տարի ժամկետով փակ, գաղտնի քվեարկությամբ ընտրվում է նախագահ և բաց քվեարկությամբ՝ քարտուղար:

ՄՈՒՀ-ի ուսանողական խորհրդի գործունեությունը դադարում է ՀՀ օրենքներին համապատասխան, ինչպես նաև խորհրդի անդամների թվի 2/3-ի որոշմամբ:

Լուծարման կապակցությամբ ստեղծվում է լուծարքային հանձնաժողով, որը կազմակերպում է հանձնման-ընդունման աշխատանքները: